



Senin, 29 Mei 2023
Ogen: Masmur 71:7-9



"Jadi Usihen Asa Metua"



Tambah warina tambah ka me umur manusia. I bas masana kita reh tuana: ringut, gegeh kurang, turah pinakit, daging kula reh lemahna dengen pendahin pe reh urakna si banci idahiken.

Pemasmur i bas umur si enggo meganjang tetap ia ncidahken usihen si mehuli man sekelewetna. Tupung pemasmur iperhadapkan ku bas persoalen geluh; tetap cidahkenna kegeluhen dengen kiniteken si banci jadi usihen nandangi kalak si i sekelewetna. Gegeh reh urakna tapi cara rukur, cara pandang ras pikiren-pikiren pemasmur mereken gegeh ras kengasupen la terjeng man dirina saja tapi pe man kalak sideban. Tetap i penangkihna nde-enden pujin man Tuhan segedang-gedang wari.

Umur meganjang si ibereken Tuhan si pakekenlah guna nambahi kiniteken kalak si jumpaken ras kita. Bagi pemasmur i bas umur si gedang ipakena lako nambahi kiniteken kalak si deban; geluh pemasmur tetap jadi usihen seh asa metuana.

Si pakekenlah geluhta bagi sada kuan-kuanen: "*Tua-tua tomat, semakin tua semakin berhikmat labo tua-tua keladi semakin tua semakin menjadi-jadi*". Bereken usihen dengen pengajaren si payo man anak kempu gelah malem atena nggeluh.

Umur banci reh ganjangna; gegeh banci saja reh urakna; pemegi ras pengenehen banci saja reh kaburna; tapi cara rukur ras cara pandang banci reh hebatna dengen reh mantapna. Bahanlah kegeluhenndu jadi pasu-pasu nandangi enterem jelma ras doni enda.